

Makitu ki Judi ndangi

Ta ki do makitu'ti ki Judi ndangi

Makitu kin in ki kulə'n kadi njetudə'ə'gi ki in de'gi ki de gər ta'gi ki ojido'de ar njay el. De'gi madi'gi in non in nje sanan nyando ki ngom tuləi de'gi ki Judi ulə ki makitu adi'de kakin nan'ti. Ko degə'gi kakin rai rɔ'de to njekunme'gi ki rɔta'ti be. Njendangi makitu ulə dingəm me njetudə'ti kadi tinyəi ki kunme kadi Luwə toki njekawkulə'gi ndoi'de. Maji kadi rai ki nan yo ki ne ki tɔgi lə Ndil Luwə.

Ta ki me makitu'ti kin tanan ki ta ki me makitu'ti lə Piyər ki nja joo ki rowninn'ə in 2 kin be.

Kon ta'gi ki me'ti: Kandi me ta'ti 1-2. Nje sanan nyando ki ngom ki takigangi ki ojido'de 3-16. Uwəi kunme ki ndiginan səm 17-23. Tɔji in do Luwə'ti 24-25.

Kuwə ji nan

¹ M'in Judi, njekuləbər lə Jeju Kirisiti, ki m'in ngonnkon Jaki*, ə m'ndangi makitu kin m'adi ingi ki Luwə ɔar'se, ki Baw'je Luwə ndigi'se, ki Jeju Kirisiti ngəm'se to nya lə'ne kin. ² Ningə kadi k'oo kumtondo, ki lapiya, ki ndiginan lə Luwə to mbar mbar ki do'se'ti.

Njendo de'gi nya ki ngom

³ Nje ndigi'gi lə'm ki ngayn, m'ndingə ngayn kete kadi m'ndangi makitu madi'se ojido kaji ki j'in kareba do'ti kin. Ningə ki ngosine kin, in tɔgi madi ki isi do'm'ti kadi

* 1:1 1.1 Mat 13.55; Mrk 6.3

m'ndangi makitu kin m'adi'se, m'ulə'n dingəm me'se'ti kadī rōi dō kunme'ti ki Luwə adi de'gi lə'ne nja kareba par go'ə gangi kin. ⁴ M'el be tado de'gi madi ki takigangi ki dō'de'ti in ki ndangi me makitu'ti lə Luwə kete nu kin, turi dann'se'ti, isi mbiri ta memaji lə Luwə kin, təlī'ə ta ra kaya'ti lə'de, taa mbeti de ki in kar'ne ba ə in Njekundō'je, ki in Burəbe lə'je Jeju Kirisiti kin tō.

⁵ M'gər kadī in gəri nya'gi pəti maji, nan m'ndigi kadī m'olo me'se dō'ti toki, loki Burəbe te ki de'gi lə'ne be bər'ti Ejipiti, go'ti, tō ko nje'gi ki rai rō'de to njekunme el†. ⁶ Ningə m'ndigi kadī m'olo me'se dō'ti bay toki, malayka'gi ki rai dō tōgi'ti ki Luwə adi'de kin el, nan mbeti lo kisi'de, Luwə uwə'de dangay'ti lo'ti ki diw, dōd'de ki kulə gindi ki kadī a toi biti ki non'ti, tado takigangi ki boi ki a re. ⁷ In be tō ə, Sōdom ki Gōmōr‡ ki bē'gi ki gugi gidi'de, ki uni rō'de uləi me kaya ki ra'ti, kah'a'ti lə malayka'gi inbe kakin tō, adi sangi nan ki lo sangi nan'ti el kin, Luwə uwə'de dangay'ti me por'ti ki biti ki non'ti. Ningə in kin in ndəji nan ki to tado lə de'gi pəti.

⁸ In be ə, njendo de'gi nya ki ngom kakin, me dō majel'ti lə'de, buri ki rō'de, kidi tōgi lə Luwə, taji malayka'gi ki eyina tōji'gi. ⁹ Nya kare, Misel ki in kibo lə malayka'gi§, loki isi manjina ta'ti ki Su, isi kōli nan dō ninn Moji'ti kin kaa*, sangi kadī n'gangi ta madi to nya taji dō'a'ti el, nan ta ki el ə, el ene: «Kadi Burəbe indəi oji†.» ¹⁰ Nan de'gi ki njendo de'gi nya ki ngom kin, nya ki gəri'ə el kaa taji'ə, nga ningə, nyagər ki oji'de to yan da'gi be par kin ə, in nya ki kadī tuji'de to tuji yo. ¹¹ Tuji

† 1:5 1.5 Tekitaga 12.51; Kōr Isirayel'gi 14.29-30 ‡ 1:7 1.7 Lotum

19.1-25 § 1:9 1.9 1Te 4.16; Daniyel 10.13,21, 12.1; TNT 12.7 * 1:9 1.9

Ndukun ki nja joo 34.6 † 1:9 1.9 14-15

in dɔ'de'ti, tado uni row lə Kanyi‡; tado ta lə nar ə uri mu to Balam§ be; tuji tado tanyi rɔ to Kore* in ki de'gi lə'ne be. ¹² Kisi'de sese ta nya kusɔ'ti lə ngannkon nan'gi, ra adi nyakusɔ lə'se təl nya ki to njen. Sɔi ge anyinan ge adi asi'de ki kanji rɔsɔl, gonyi ta rɔ'de inbe'gi. Toi to kilndi ki nəl ɔr'ɔ aw si'ə adi lo kadi ədi goto kin be, toi to kagi'gi ki nanyi kandi'de'ti kaa andi el, adi loki de ɔr'de ki ngirə'de ba kɔ ə, təli oyi koy ki nja joo kin be. ¹³ Manji kulə ra'de'gi ki to rɔsɔl ki taga to pungɔ ba ki buki pulum'ne ngangɔ ba'ti kin be. Taa toi to mee'gi ki gəri lo k'aw'de el, ki lo ki diw kururu to tado lə'de bitɔ ki non'ti kin be.

¹⁴ In ingɔ ə njekeltakita Luwə'ti Enɔki† ki in kaw'je ki nje nja siri go Adam'ti elta ki ta Luwə'ti ndon ndil dɔ'de'ti ene: «Oyi, Burəbe a re ki malayka'gi ki ar njay dər dɔgi banyi banyi, ¹⁵ kadi gangɔ ta kibo dɔ de'gi'ti pəti. A uwə njeramajel'gi pəti dangay'ti ɔji'n dɔ kulə ra'de'gi ki majel pəti ki rai ɔsi ta Luwə, taa ɔji'n dɔ ta'gi ki maji k'el el pəti ki eli dɔ Luwə'ti tɔ.» ¹⁶ In de'gi ki rɔnel lə'de goto, isi b̄arita ki dɔkagilo'gi pəti. Rai nya'gi ki me'de ndigi, ta ki isi te ta'de'ti in rɔ ki kɔji, ningə re oo'de isi toi'de pe pe kin ə, in kadi ingəi nya ki to soti ki darɔ'de rɔ de'ə'ti kin.

Ta kɔji ki rɔ nje ndolo go Kirisiti'ti

¹⁷ Nga ningə, ki ɔji dɔ'se, in njendigi'gi lə'm ki ngayn, m'dəji'se kadi adi me'se olo dɔ ta'ti ki njekawkulə'gi lə Burəbe lə'je Jeju Kirisiti eli'se kete nu kin. ¹⁸ Eli'se eyina: «Dɔkagilo ki dɔboy'ti ə a ingəi de'gi ki a uwəi'se kogi num, a njiyəi kigo ndigi ra'ti ki majel ki me'de'ti num tɔ.» ¹⁹ Kadi in gəri, in ingɔ ə in nje re ki gangɔ nan. Ningə

‡ 1:11 1.11 Lotum 4.3-8 § 1:11 1.11 Kɔr Isirayel'gi 22.1-35 * 1:11 1.11 Kɔr Isirayel'gi 16.1-35 † 1:14 1.14 Lotum 5.18, 21-24

mərta'gi lə'de in mərta kigo darɔ'ti, um in mərta ki in rɔ Ndil Luwə'ti el. ²⁰ Nan ingi, njendigi'gi lə'm ki ngayn, m'dəji'se kadi adi ngirə kisikidɔtaa lə'se in dɔ kunme'ti ki rɔta'ti lə'se kin. Elita ki Luwə ki tɔgi Ndil'ə. ²¹ Ningə kadi uwəi tɔgi'se ba me ndigi'ti ki Luwə ndigi'je. Uwəi tɔgi'se ba in ngingəi re Burəbe lə'je Jeju Kirisiti ki me memaji'ti li'ə, a adi'se kaji ki biti ki non'ti kin. ²² Nje ki me'de isi tɔsi, maji kadi oyi kumtondoo lə'de. ²³ Aji'de ki row nagi nan ta por'ti taa. Nje ki rangi bay, maji kadi oyi kumtondoo lə'de, nga ningə oyi rɔ'se maji kadi rati rɔ'se ki kulə ra'de'gi ki majel kin el, nan kadi ɔsi kulə ra'de'gi ki majel ngərəngi. ɔsi ngərəngi, biti kadi ku rɔ'de ki kulə kigo darɔ'ti təl'ə nya ki to njen'ti kin kaa kadi ɔsi ngərəngi bay.

Kulə tɔji dɔ Luwə'ti

²⁴⁻²⁵ Kadi kulə tɔji in ki dɔ Luwə'ti ki in ki kar'ne ba ə in Luwə, in ki asi kadi ngəm'se adi osi me majel'ti el, in ki kadi a ra adi tei rei me kunj'ə'ti ki ronel kadi nya madi ra'se el, in ki Njekaji'je ki row lə Burəbe lə'je Jeju Kirisiti kin, kadi tɔbar, ki k'ətəi bɔl, ki tɔgi, ki konbe, in li'ə, dɔkagilo'ti ki dər, ki dɔkagilo ki bɔne, ki dɔkagilo ki a re biti ki non'ti! *Amen.

Ta lə Luwə Kunmindɪ kɪ Sigi
New Testament in Gor

copyright © 2014 Wycliffe Bible Translators, Inc.

Language: Gor

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 14 Jun 2022 from source files dated 1 Jun 2022

2c67456e-bce1-5ef4-9c95-47d2d9335aa4